



**CONVENIO DE COLABORACIÓN 1482/611 ENTRE A CONCELLERÍA DE DEPORTES DE VIGO E A ASOCIACIÓN ASPOFUSA POLA UTILIZACIÓN DAS INSTALACIÓNS MUNICIPAIS PARA A REALIZACIÓN DUN PROGRAMA DE DINAMIZACIÓN DO FÚTBOL SALA EN IDADE ESCOLAR NA CIDADE DE VIGO “LIGA CONCELLO DE VIGO”**

Na Cidade de Vigo a quince de novembro do ano 2017

**REUNIDOS**

Dunha parte, o Excmo. Sr. D. Abel Caballero Álvarez, Alcalde-Presidente do Concello de Vigo (CIF P 3605700H).

Doutra parte D. Juan Manuel Fernández Domínguez con DNI: 35958626N como presidente de ASPOFUSA (G-36929347), segundo consta na documentación remitida pola entidade.

**MANIFESTAN**

Que a Asociación ASPOFUSA, é unha entidade deportiva que agrupa ás entidades que participan cos seus equipos nas competicións escolares federadas de fútbol sala, para categorías de minis, prebenxamin, benxamín, alevín, infantil, e cadetes tanto masculino como feminino, dinamizando as mesmas no ámbito da cidade de Vigo dentro da “Liga Concello de Vigo”. Por outro lado, a Concellería de deportes, define como accións prioritarias todas aquelas que busquen a promoción da práctica deportiva na cidade, polo cal considerase adecuado propoñer a colaboración entre estas dúas entidades co fin de poder mellorar a oferta deportiva xeral da Cidade.

Que ambas entidades están interesadas en colaborar conxuntamente na coordinación de esforzos de cara a reunir os recursos necesarios para o correcto desenvolvemento de programas de colaboración en materia de promoción e dinamización da práctica deportiva, e especificamente dentro de este programa “Liga Concello de Vigo”

Que de forma xenérica o obxecto principal do presente convenio engloba unha serie de actuacións en relación á dinamización e potenciación dunha competición deportiva orientada a escolares no ámbito da cidade de Vigo.

Que todos estes aspectos nos levan á necesidade de conxugar o presente convenio de colaboración co ASPOFUSA, establecemento un marco de relación,



que permita complementar actuacións de ambas as dúas entidades, unificando esforzos na promoción deportiva na cidade de Vigo, polo que dito obxecto regulado polo seguinte convenio, atopase incluído no establecido no artigo 4.d) do R.D. 3/2011, de 14 de novembro, polo que se aproba o Texto Refundido da Lei de Contratos do Sector Público, xa que a Concellería de Deportes non busca a provisión dun servizo nin a adquisición dun ben, senón o establecemento dun marco de relación, que permita complementar actuación de ambas as dúas entidades, unificando esforzos na promoción deportiva na cidade de Vigo, quedando excluído o negocio por razóns obxectivas do R.D. 3/2011.

Polo tanto, e para levar a cabo as accións necesarias que fagan realidade os fins propostos, ámbalas dúas entidades suscriben o presente convenio de colaboración definindo as actuacións necesarias baixo os principios e garantías de equilibrio, capacidade e solvencia, que de forma específica especificase nas seguintes cláusulas.

### CLÁUSULAS

1. Este convenio establécese como marco de entendemento e colaboración mutua que permita desenvolver as actividades nas instalacións Municipais.
2. A Asociación Asprofusa en base ó artigo 5 A)4, da ordenanza nº 52, reguladora de prezos públicos pola utilización de instalacións deportivas municipais, ca tramitación do presente informe proposta e firma do convenio de colaboración ca entidade, estará exenta de abonar o prezo público correspondente a utilización da instalación obxecto do presente convenio, un total estimado de 725 partidos durante a duración do convenio, a 14,25 € cada partido, e que ascende ó importe estimado de 10.331,25 €.
3. A Asociación Asprofusa durante os horarios establecidos pola Concellería de Deportes para o desenvolvemento deste programa de promoción do fútbol sala en idade escolar, responsabilizarase das tarefas básicas do control e vixilancia das actividades. Igualmente garantirá a custodia das propiedades e enseres depositados na instalación, para o cal deberá comunicar os correspondentes partes de incidencias sobre calquera desperfecto atopado ou ocasionado polas actividades. De forma xeral tódalas incidencias e necesidades serán transmitidas coa maior celeridade posible ó departamento correspondente da Concellería de Deportes para o seu fluído tratamento e coñecemento.
4. A Asociación Asprofusa presentará, cada semana a solicitude dos partidos, os equipos participantes en cada un de eles e a categoría dos mesmos, para poder ser distribuídos nas instalacións dispoñibles.



5. A Asociación Asprofusa é o responsable do desenvolvemento da actividade, debendo estar presente na instalación en todo momento un responsable da mesma.
6. A Asociación Asprofusa comunicará a Concellería de Deportes con antelación suficiente calquera cancelación ou alteración nos horarios da actividade, así como o deber de garantir o uso equitativo e equilibrado das instalacións, atendendo ás normas xerais de uso de instalacións deportivas municipais da Concellería de Deportes.
7. A Concellería de Deportes non terá ningunha responsabilidade co calquera incidente que poidera resultar derivado do desenvolvemento da actividade programada.
8. A Entidade deberá ter unha póliza de responsabilidade civil de cobertura da actividade e cobertura de accidentes previa á sinatura do convenio.
9. Os participantes que desenvolvan a actividade na instalación serán exclusivamente os vinculados o programa da Asociación Asprofusa, non estando permitido ningún outro uso que non sexa a impartición desta actividade.
10. Os participantes accederán á instalación precedidos polo responsable da entidade, non estando permitido o acceso dos participantes en caso contrario. Da mesma forma, o responsable da actividade será a última persoa en abandonar a instalación, asegurándose de que ningún participante queda na instalación.
11. A Concellería de Deportes, aportará o espazo para o desenvolvemento das actividades.
12. A Concellería de Deportes resérvase a posibilidade de dispoñer da instalación por cuestións de programación ou mantemento. Neste caso comunicárase a entidade esta anulación.
13. A vixencia deste convenio é para as citadas actividades nos seguintes horarios para a tempada 2017-2018 ata o 30 de Xuño de 2018, a posibles modificacións solicitadas polo centro, en todo caso, estarán supeditadas a criterios de organización e dispoñibilidade de instalacións:

Días	Horario
Sábados	Entre as 9,00h a 14,00h
Domingos	Entre as 9.00h e 14:00 h

Durante 29 fins de semanas, cun número de partidos de media cada fin de semana de 25, en ningún caso poderá excederse desta cantidade.



14. No caso de incumprimento das obrigas e os compromisos asumidos neste convenio, por cada unha das partes, poderase aplicar medidas de suspensión ou anulación da vixencia do convenio.

Como proba da conformidade asinan en Vigo o presente convenio por triplicado exemplar, o día quince de novembro de 2017

O Presidente de ASPOFUSA

Juan Manuel Fernández Domínguez

O Alcalde de Vigo

Abel Caballero Álvarez